

**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetii, 1706

Innocentii XII. Constitutio XLIV. de tollendis abusibus Ordinandorum.

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

Sac. Cong. Conc. in Romana voti perseverantia 29. Jan. 1701.

7. Item Presbyteri Congregationis Orationis S. Philippi Nerii, licet subsint ordinariae jurisdictioni Episcoporum; non posunt tamen hi, sub quovis praetextu, aut quæsto colore illorum personas à Congregatione, in quam ingressi, & admissi reperiuntur, extrahere, nec ab observatione sui instituti removere, & exturbare, prout speciali Indulto sub datum 8. Julii 1622. Gregor. XV. inhibuit his verbis — *Quocirca universis, & singulis locorum Ordinariis, ne ullam dictæ Congregationis Domum nisi juxta statutorum predicatorum formam, & tenorem, nec aliter nec alio modo visitare, minusve quovis casu pro tempore contingente, ac sub quovis pretextu, aut quæsto colore aliquam ipsius Congreg. personam è dicta Congregatione extrahere, aut ab observatione sui instituti removere audeant, seu præsumant, auditoritate, & tenore predicti interdicimus, & prohibemus.*

8. Item Oblati, qui se suaque omnia perpetuo, & irrevocabiliter obtulerint Monasterio mediante publico contractu, & juramento, ac obedientiam Monachalem promiserint, non possunt à Religione recedere absque dispensatione Apostolica, quia hujusmodi oblatio, & promissio est species professionis, Abb. in cap. quod à te num. 5. de Cleric. conjug. ibi — *Quando quid intravit Religionem, & non fecit professionem, quia fuit Oblatus, dando se, & sua plenè Monasterio, & iste amplius non revocat, est enim quasi servus Monasterii.*

Felin. in cap. in præsentia nu. 4. de probat. ibi — Oblati verò aliquando portant habitum, aliquando non, vel differentem, & possunt recedere, nisi sunt perpetuo Oblati, quo casu equiparantur aliis professis.

Innoc. in cap. consuluit, qui Cleric. vel vovent. ibi — *Nisi obedientiam Monachalem promiserint, puta quia omni suæ voluntati renunciarent, & omnia committerent voluntati Abbatis, quia tunc talis obedientia pro professione sufficeret.*

9. Nec dicatur auctoritates prædictas procedere juxta terminos, & dispositio nem juris communis antiqui: quia quoad Oblatos Concil. Trid. nihil innovavit: & cum Canonistis mox laudatis tenet modernus Donat. *prax. rer. Regular. tot. 2. tract. 13. de oblat. quæst. 21. num. 4. & 5.* ibi — *Oblati sunt viri Religiosi sicutem largè, cum se, suaque omnia perpetuo, & irrevocabiliter obtulerint Monasterio medio publico contratu, & juramento, quo fit ut hi sint magis adstricti Monasterio, quam alii per solemnem professionem, & banc sententiam secuta est Sac. Congreg. Episc. in Brixien. 31. Januarii 1698. referente clar. mem. Card. Petruccio, & hinc oritur, quod percutientes, vulnerantes, vel occidentes eosdem Oblatos incurvant in excommunicationem contentam in cap. si quis suadente 29. 17. qu. 4. dummodo habitum gerstant, Sacr. Congreg. Conc. in Anglonen. 8. Julii 1690.*

Innocentii XII. Constitut.

X L I V.

Qua plura declarantur, ac præscribuntur pro tollendis abusibus circa Ordinum collationem.

S U M M A R I U M.

1. *Onera Missarum Beneficio injuncta in calculandis redditibus non detrahuntur.*
2. *Quæ sint onera detrahenda, offenduntur.*

INNOCENTIUS EPISCOPUS &c.

Speculatorum Domus Israel &c.

Sane hoc inito consilio, non alios quantum fieri potest, quām qui in sanctitate, & justitia per ordinatissimos Ecclesiasticæ militie gradus statim intervallis ambulaverint, ac pie, & fideliter in Ministeriis anteactis se gesserint, ad Sacerdotium assumi, Sacrasq; Ordinationes juxta priscum Ecclesiae morem, praescriptis à jure temporibus, orationi, & jejunio consecratis, haberi cupientes, severiorem quādam in concedendis indulxit suscipiendo Sac. Ord. extra tempora hujusmodi, & interstitiis ad id designatis minimè servatis, ultra nobis proposuimus adhibendam rationem, qua videlicet servata, ante meritum laboris, ante tempus exanimis, ante experientiam disciplinæ, Sacerdotalis honor non probatis minimè tribuitur, nec unquam heri sacrilegi, hodie Sacerdotes, heri prophanè, hodie Sacrorum Antistites, veteres vitio, virtute rudes, & recentes, discipuli simul, ac Magistri pietatis creentur; sed ii tantum, juxta constitutas à Majoribus leges, ab humili gradu fidelis populi, ad sacrarum administrationum sublimitatem promoveantur, qui post mutatum habitum saecularem, diuturna conversatione inter Clericos fuerint comprobati, ac multo tempore didicierunt, quæ postmodum alios docere tenentur, cæterum per ea ipsa indulta, quæ super præmissis parciunt quidem, ac ex certis tantum, & magis rationabilibus causis conceder e decrevimus, contraria quavis illorum interpretatione penitus improbata, salutarem illam quam Sacr. Generalis Trid. Conc. decreto de non ordinandis ad patrimonii titulum, nisi illis, quos Episcopi pro necessitate, vel commoditate suarum Ecclesiarum assumendos judicaverint, praescribunt disciplinam, nequaquam relaxatam intellegi; quinimo nec unquam ad indulcta hujusmodi exequenda Episcopos ipsos attendare, sed illorum executionem arbitrio semper eorumdem Episcoporum, quorum conscientias hac in re strictissimè oneratas voluimus, prorsus relinquere declaravimus; sperantes in Domino eos, qui iuxta Apostoli monitum, nemini citius manus imponendas esse probè norunt, sibi, & universo gregi attendentes, in quo eos posuit Spir. S. regere Ecclesiam Dei, reverenda ipsis Spiritibus Angelicis ministeria ab hominibus sine consideratione apprehendi nunquam permisuros, nec temerè præripi passuros, quæ vita probata dumtaxat accipere promeretur. Omnes insuper, & singulos cuiuscumque tandem gradus, & ordinis, & dignitatis fuerint, quibus ex hujus S. Sedis gratia Sacros Ordines praefatos extra eadem tempora conferendi, vel alius, ut illos sic conferre valeant, indulgendi potestas fieri consuevit, cum Divinos Ordines largiri districti semper esse judicii opporteat, serio monitos voluimus, ut praescriptos sibi desuper in suis quique facultatibus terminos religiosè custodiant, nec eos cuiusvis consuetudinis, aut exempli pretextu nullatenus transgrediantur.

Verum quo impensis Apostolicæ gubernationis curam, & cogitationes in hæc interdicimus, eo majori cum animi nostri dolore, ex quamplurimum Vener. Fr. nostrorum Archiepiscoporum, & Episcoporum in diversis regionibus existentium delatis ad nos querelis accepimus, graviora quotidie malignari inimicum in Sancto, sacrilega scilicet illorum impudentia in dies crescente, qui propriæ salutis immemores, Clericales Ord. sibi forsitan à propriis presulibus denegatos, seu quos aliquibus Canonicis sibi obstantibus impedimentis, denegari merito verentur, ab ali-

alienis Episcopis non quæ Jesu Christi, sed eas, quæ ad ipsos non pertinent oves, in animarum suarum perniciem querentibus, nec tot canonicas damnationes contra usurpantes alienæ plebis homines latas perhorrescentibus, absq; suorum Prælatorum commeatu, hoc est dimissoriis, commendatiiive eorum literis destituti, quinimmo eis insciis, & sèpè etiam invitis, sub minus legitimis Beneficii Ecclesiastici, originis, domicilii, seu etiam familiaritatis ac continuè Ordinationis Episcoporum commensalitat is quæsitis titulis, in sacrarum legum fraudem, & contemptum, illegitimè suscipiunt, atq; ita non intrantes per ostium, & nihilominus tabernaculum Domini cum macula inhabitare non dubitantes, sacrificium in sacrilegium convertunt, judicium absq; misericordia sibi consiciscunt, Deo que minime placentes, & tamen placare velle præsumentes, non modò eum non placant, sed magis irritant, dum videntur in cordibus suis dicere: non requiret.

Hinc est, quod nos ex commissione nobis divinitus A postolicæ servitutis munere, abusus, fraudes, ac scandalis hujusmodi penitus, & omnino è medio tollere, ac irreligiousam contrafacentium audaciam, quantum nobis ex alto conceditur, compescere, & reprimere volentes, nec non fel. rec. Urbani VIII. contra malè ordinantes, & malè ordinatos, quæ incipit: *Secretis: aliorumq; Romanorum Pontificum Prædecessorum nostrorum, ac etiam conciliaribus hac in re editis Constitutionibus, & ordinationibus inhærentes, aliasq; quoad ea, quæ præsentibus non adversantur, quatenus opus sit, innovantes: de Venerabilium Fr. nostrorum S. R. E. Card. ejusdem Conc. Trid. interpretum,* qui quæcunque antehac super præmissis ab ipsorum Cardinalium Congregatione in particularibus casibus edita decretalia, declarationes, seu responsa ad earumdem præsentium limites reducenda esse censuerunt, consilio, ac etiam motu proprio, & ex certa scientia, & matura deliberatione nostris, deque Apostolicæ potestatis plenitudine, ad Omnipotentiis Dei gloriam, Ecclesiae utilitatem, veteris disciplinae instauracionem, totiusque Christiani populi ædificationem; hac generali nostra, & perpetuò valitura constitutione decernimus, & declaramus nulli Episcopo, seu cuiusvis loci Ordinario, tametsi Cardinalatus honore fulgeat, licere exterum quempiam, ac sibi ratione originis, seu domicilii, juxta modum inferius declarandum, legitimè contracti non subditum, ad Clericalem Tonsuram promovere cuiusvis beneficij Ecclesiastici, ei statim, ac Tonsura hujusmodi insignius fuerit, conferendi, seu ad quod is à patronis jam præsentatus, seu nominatus fuerit prætextu, etiamsi beneficium prædictum de novo ea expressè adjecta lege fundatum fuisse constiterit, ut quis immediatè post Clericalem characterem suscepit, ad illud instituatur. Præterea Clericum, qui legitimè jam à proprio Episcopo ad eamdem Clericalem Tonsuram, seu etiam ad Minores Ordines promotus fuerit, non posse ab alio Episcopo ratione, ac titulo cuiuscumque beneficij in illius Diœcesi obtenti, ad ulteriores Ordines promoveri, nisi ante eorumdem susceptionem testimoniales literas proprii Episcopi, tam Originis, quam Domicilij, super suis natalibus, ætate, moribus, & vita sibi concedi obtinuerit, easque Episcopo Ordinanti in actis illius Curiæ conservandas exhibuerit.

Licet verò Clericus ratione cuiusvis Beneficij in aliena Diœcesi obtenti, subjicitur jurisdictioni illius Episcopi, in cuius Diœcesi beneficium hujusmodi situm est, eam tamen de cætero hac in re inconcussè servari volumus regulam, ut nemo ejusmodi subjectionem ad effectum suscipiendo Ordines acquiri-

rere censeatur, nisi beneficium predictum ejus sit redditus, ut ad congruam vitæ sustentationem, sive juxta taxam Synodalem, sive ea deficiente, juxta morem regionis pro promovendis ad Sacros Ordines, *detractis oneribus*, per se sufficiat, illudque ab Ordinando pacifice possideatur, sublata quacumque facultate supplendi, quod desiceret fructibus ejusdem Beneficij cum adjectione patrimonii etiam pinguis, quod ipse Ordinandus in eadem, seu alia quavis Diœcesi obtineret; ac Episcopus sic Ordinans, tam de predictis testimonialibus literis, quam de redditu Beneficij hujusmodi, expressam in consueta collatorum Ordinum attestatione mentionem facere debet.

Ceterum subditus ratione originis tantum sit, ac esse intelligatur, qui naturaliter ortus est in ea Diœcesi, in qua ad Ordines promoveri desiderat, dummodo tamen ibi natus non fuerit ex accidenti, occasione nimirum itineris, officii, legationis, vel cuiusvis alterius temporalis morae, seu permanentie ejus patris millo loco, quo casu nullatenus ejusmodi fortuita nativitas, sed vera tantum, & naturalis patris origo erit attendenda. Quod si quis tanto temporis spatio, in eo loco, in quo ex accidenti, sicut praemittitur, natus est, moram traxerit, ut potuerit ibidem Canonico aliquo impedimento irretiri, tunc etiam ab Ordinario ejus loci litteras testimoniales, ut supra, obtinere, illasque Episcopo Ordinanti per eum in collatorum Ordinum testimonio similiter recensendas presentare teneatur. At si pater in alieno loco, ubi ejus filius natus est, tandem ac eo animo permanferit, ut inibi verè domiciliam de jure contraxerit, tunc non origo patris, sed domiciliū per patrem legitimè, ut presertur, contra factū pro ordinatione ejusdem filii attendi debeat. Subditus autem ratione domiciliū, ad effectum suscipiendi Ordines is duntaxat censeatur, qui, licet alibi natus fuerit, illud tamen adeo stabiliter constituerit in aliquo loco, ut vel per decennium saltem in eo habitando, vel majorem retum, ac bonorum suorum partem cum instructis edibus in locum hujusmodi transferendo, atque ibidem per aliquid considerable tempus commorando, satis superque suum perpetuò ibidem permanēdi animum demonstraverit, & nihilominus ulterius in utroque casu, se verè, & realiter animum hujusmodi habere jure jurando affirmet: Si quis autem à proprietate originis loco in ea aetate discesserit, qua potuerit alicui Canonico impedimento obnoxius effici, etiam Ordinarii sui originis testimoniales literas, ut supra, afferre debet, ac de illis expressa similiter mentio in susceptorum Ordinum literis facienda erit.

Ad hæc nullus Episcopus alienæ Diœcesis subditum familiarem suum ad aliquos, Sacros, seu Minores Ordines, vel etiam primam Tonsuram promovere, seu ordinare præsumat, absque ejus proprii, originis scilicet, seu domiciliū Praelati testimonialibus literis, ut supra, & nisi ad præscriptum Concilii Trid. præfati, familiarem predictum, per integrum, & completum triennium in suo actuali servitio secum retinuerit, ac suis sumptibus atuerit: *Beneficium insuper*, quod ei ad vitam sustentandam, juxta modum superioris præfinitum, sufficiat, quacumque fronde cessante, statim, hoc est saltem intra terminum unius mensis à die factæ Ordinationis, re ipsa illi conforat, ac in ordinationis hujusmodi testimonio expressam itidem familiaritatis, ac literarum predictarum mentio hem facere teneatur.

Porro, ut quicumque fraudibus aditus omnino præcludatur, volumus, & Apostolica autoritate statuimus, atque decernimus, ut Episcopus quilibet, suos ratione originis, seu domiciliū subditos Clericos, quicunque, ab alie-

alienis Episcopis quavis auctoritate , etiam cum suis commendatitiis litteris promotoe , nedium ad formam Concilii Trid. supradicti quoad scientiam examinare valeat , verum etiam Ordinum eis collatorum testimoniales literas , gratis tamen recognoscere , ac diligenter perquirere , an quoad illos praesentis constitutionis forma , & dispositio adimpta fuerit , assignato sic promotis termino competenti ei magis bene viso , ad docendum de ejusmodi adimplemento , ita ut quos etiam termino elapsi id minimè præstisſe compererit , a susceptorum Ordinum exercitio , si ita , & quandiu ei expedire videbitur , suspendere , illisque ne in altari , aut in aliquo Ordine ministrent , indicere possit .

Ita vero premissa omnia , & singula perpetuo , ac inviolabiliter observari , atque adimpleri volumus , ut si quid in iisdem premissis , seu eorum aliquo secus fiat , ordinans quidem à collatione Ordinum per annum , ordinatus vero à susceptorum Ordinum executione , quandiu proprio Ordinario videbitur expedire , eo ipso suspensus sit , aliisque insuper gravioribus pœnis pro modo culpe , nostro , & pro tempore existentis Romani Pontificis arbitrio infligendis , uterque subjaceat .

(Et sequuntur Decreta roborantia , derogatoria contrariis , ac irrogatio pœnarum contra transgressores) .

Datum Rome apud Sanctam Mariam Majorem 4. Novembris 1694. — Collect. Bullar. d. Pontif. pag. 179.

B. Card. Prodatarius.

J. F. Card. Albanus.

Visa de Curia I. Sacripantes.

- D. Giampinus.

Loco ✠ Plumbi.

ADNOTATIONES.

1. DETRACTIS ONERIBUS . Mēminoris hic , quod onera Missarum Beneficio injuncta in calculandis redditibus pro constituenda summa sufficienti tituli Ordinandorum ad Sacros Ordines non detrahuntur , sed hæc verba referenda sunt ad alia onera , etiam post emanatam Constitutionem hanc , ut declaravit *Sacr. Congreg. Concil. in Segnina Ordinationis 14. Aprilis 1696.* & in *Neapolitana* , seu *Scalen.* 19. Febr. 1701. quæ Decreta attuli in *Adnot. ad Form. XIII.* Tit. de collat. Ordin. quod est juxta sententiam Card. de Luca de donat. disc. 11. num. 8.

2. Quæ autem onera ad hunc effatum detrahenda sint , docet idem Card. de Luca de Benefic. disc. 90. num. 80. ubi

Monacelli Form. Pars I.

quod onera certa , & necessaria detrahenda à Beneficii fructibus sunt , refectio domus , oleum pro lampadibus , hostiæ , cære , paramenta , cathedralicum , expensæ Visitacionis , salarium Clericorum pro qualitate Ecclesiæ , & servitii , quatenus præstari sit solitum , nec non contributio- nis Seminarii , vel fabricæ Ecclesiæ , ac onus cambiorum .

Confirmat. Decretorum Congregationis S. R. E. Cardinalium Concilii Tridentini interpretum super Celebratione Missarum , etiam cum declarationibus , & innovatione Decretorum ab eadem Congregatione , auctoritate fel. rec. Urbani Papæ VIII. desuper alias factorum .

Hh 3 SUM-